

DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ

Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS;

manè discutienda in Scholis Medicorum die Sabbati secundâ

Décembris M. DCC. XLI.

M. JOANNE-JACOBO BELLETESTE,

Doctore Medico, Præsîde.

An morbis curandis faveat aëris ægrum ambientis ritè moderata temperies?

I.



I hominum, licet sanorum, ea est debilitas ut vel minimis causis eorum mutari possit conditio, morbosque suscipere queant, facile intelligitur quanta ex parte medici attentione opus sit circa ægrorantes (a) qui, ut potè viribus morbo jam fractis, imbecilliores, longè citius affici queant, & qualibet incommoda gravis perferunt. Vix enim credibile est, ni quotidianâ constaret experientiâ, quam sensibiles sint. Ab omnibus læduntur, affliguntur, illorum mens vel minimis turbatur, corpus immutatur, morbus exacerbatur, quin etiam lethalis fieri potest. Sunt quos sonus, murmur, color, odor, objectum quoddam singulare ita commovent, ut ab iis miras aliquandò experiantur anxietates, plurimum exagitantur, delirium etiam superveniat, aut si adit, notabiliter augeatur. Medici igitur officio convenit, ut in curandis morbis quæ agris noxæ aut incommodo esse poterunt, ab iis sedulò removeat; quæ verò quodammodo profutura autumabit, eadem curâ admoveat: nec erubescat, si suam ad minima etiam extendere debeat attentionem, cum apud ægrotos nihil parvi faciendum sit, sed vel leviora magni momenti esse possint. Hinc non modò victûs ægrorum, & temperamenti, sed etiam consuetudinum rationem medicis habendam esse passim apud authores affirmatur. Quòd si tanta requiratur diligentia circà ea quæ sanitatem non dico labefactare, sed vix efficere posse viderentur, quanto magis invigilandum est iis quæ variis suis statibus corpus sensibiliter immutare possunt. Inter ea autem primis meritò annumerandus est aër. Quippè, qui liquorum crasim invertere, solidorum elaterem variare, sicque totius corporis statum alterare valet, ritè vel malè moderatus, morborum curationi necessario favere vel nocere debet.

I I.

UT corpus humanum ex duplici parte, fluidis nempe & solidis constet, sic ex iis ritè vel malè se habentibus, totius sanitas vel morbus. Quando debità vi & actione prædicti canales, fluida legitimè disposita vehunt, tunc nec tensiores fibrae liquida violentius percutiunt, nec laxiores molliùs promovent: liquores autem

(a) Vid. Cæli. Aurelian. lib. 1. de morb. chronic. cap. 13. de curatione. Eadè omnibus methodicis doctrina fuit, ut patet ex eodem authore.

Sennert. de dietâ in febrib. putrid. L. 1. c. 9. qualis esse aër in febrib. debeat satis explicat.

Riveri de frigida cerebri temperie & de febrib. putrid. contin. lib. 17. cap. 1. Boeth. aphor. de morb. internis.

himum non populi in fibras iusto violentius non impingunt. Placide facillè queprocedit liquorum circuitus, nullus infarctus, nullus obstructionis imminet metus; rité peraguntur quotquot sunt secretiones, integra viscera integras functiones exercent, viget mens sana, vigent sensus, aptè sensationes excipiunt redduntque, nullus nec doloris, nec molestiæ, nec anxietatis percipitur sensus, floret denique sanitas. Afficiturne fluidorum solidorumve alterutrum? Omnia statim invertuntur; perit ille liquor inter & fibras consensus quo tota velut columnâ nititur animalis œconomia; in motus irregulares aguntur fibræ, inordinatæque liquida propellunt, aut inertes iis movendis vix sufficiunt; liquida debitum servare cursum nescia huc & illuc temerè discurrunt, aut canalibus permeandis inepta, obstructions, omnium ferè morborum ipsiûque mortis causas, puriunt. Ruit igitur omnis sanitas, perversa fit liquorum circulatio, disrueunt dolores, angores, lancinationes, functiones depravantur; sistuntur aut immodicè fluunt secretiones, pereunt sensus, mens debilitatur, his deniquè missum mors imponit finem. His omnibus à variis solidorum fluidorumve affectibus oriri demonstratis, & cum morborum cause in alterutro horum semper degant, patet omni ope annitendum esse medico, ut ea quot quot poterit auxiliis ad requisitum revocet statum. Arceat igitur quæcumque liquorum fibrarumve qualitates, deficientes similibus fovendo, morbos, ut ità dicam, enutrent; è contrà verò ea admoveat quo contrariâ suâ naturâ perverso partium morbosarum statui officiendo, morbos pro parte expugnare valent. Maximam itaquè exposcit attentionem aëris quem spiritus æget temperies, quipè ejus tanta sit potentia ut pro variâ suâ indole partes corporis nostri solidas & fluidas in varios etiam status adducere queat.

I I I.

CUM enim ea sit aëris natura, ut corpora etiam inanimata & solidissima, ipsius tamen mutationes persentiant, quænam esse debet ejus vis ad afficienda corpora viventia, quæ canalibus ubique pervia, ipsum cum liquoribus suis quocumque deserunt? Aër etenim non solum exteriori corporis nostri superficiè incumbit, ubi respirationi inserviens perenni inspirationis & expirationis motu pulmones subit, ex iisque emittitur, ubi pondere suo vasa aliter ultrâ modum distentionem passura comprimit, illorumve elaterem & actionem in liquida sustinet; verùm etiam in minimos corporis recessus penetrat, cum alimentis exhauritur, simul cum iis sanguini immiscetur, cum singulis liquoribus per vasa volvitur. Quid enim opus esset referre tot experimenta quibus maximam ex quovis humani corporis liquore, chylor, sanguine, &c. aëris quantitatem extrahi compertum est? Non mirum itaquè si elementum quod cum omnibus corporibus commiscetur, quod eorum omnes occupat poros, quod in penetralia eorum sese insinuat, eorumque singulas afficit partes, tantam in corpora nostra, utpotè fragilissima & maximè caduca, actionem exercent; præcipuè si varias aëris qualitates, varias quas inducere & communicare potest mutationes sedulo inquiramus. Ut enim omitamus depravationes quas experitur quotidie ab exhalationum & miasmatum miscelâ, quibus inquinatus tam horridas sæpissimè parit strages, quot malis corpora nostra afficit solâ qualitatum suarum mutatione? Aër enim calidus omnes corporis nostri tenuiores dissipat liquores, transpirationem, referatis poris, enormem excitat, moleculas fluidorum vehiculo orbatas condensat, motui ineptas reddit: hinc obstructions inflammatoriæ, febres ardentes, peripneumonia sicca, innumera bilæque exoritur morbi. Refrigescit ne? mutatur tantummodo malorum facies. Fibras pulmonum, totiusque habitus corporis frigore suo constringit, arctantur pori, coarcescit transpiratio, repelluntur humores ad interiora corporis, quibus si nimia quantitate repressis graventur viscera, in morbos inflammatorios, citò incidunt, aut obstructa in tumorem attolluntur, aut relaxata, amilloque robore, enormes pariant fluxus, nonnulli magno labore sustendos. Haud minora imminet pericula a

3
a nimia humiditate aëris. Quando etenim particulis aqueis scatet, omnia madore suo emollit & laxat, fibras ineptes movendisque liquoribus impares efficit, humores insensibili transpiratione avolandos humiditate sua reprimat: hinc catarrhi, tussis, gravedines, corisæ, peripneumoniæ nothæ, alvi fluxus, cruditatum collectiones, rhëumatismi, innumerique quos recensere morbos longius foret. Nec necesse est ut in referendis incommodis, quæ ab aëris diversis qualitatibus pendent, diutius viscilemur. Ex dictis satis intelligitur quamvis sit ipse vis in corpora etiam sana, quamvis potentia nostras tum solidas tum fluidas afficiat partes, ipsarumque status præsentis in planè contrarios mutare valeat.

I V.

EX POSITIS variis effectibus quos varia sua temperie in corporibus nostris producere potest aër, demonstratoque nullas esse partes in quas actionem suam non exerat, facile judicari est quid in variis morbis efficere queat, sive ad illorum levamen, quando ita accomodabitur, ut causæ morbi adversando ad ipsum profligandum dirigatur, sive ad eorundem exacerbationem, si neglectus vitiosæ indulgentium vitia ad augendo morbos simul foveat. Etenim in omnibus ferè morbis nocere vel prodesse potest. In inflammationibus v. g. quando exsiccat sanguis præ nimia visciditate & densitate canales pervadere non potens obstructions inflammatorias procreat; quando vehemens sævit febris, lingua ariditate rigens, vix sese moveri, cutis exsiccata molesto calore uritur, aut sudore vi expresso sicque noxio perpetuo diffluit; quam extrinsecus sit calidior & siccior aer & quot malorum causa esse queat, quis nescit? hoc adaugentur non modo ægrotantis anxietates, graviorque molestia afficitur, sed ingravescit etiam morbus. Diffilantur scilicet reliquæ fluidiores molecule, quæ vehiculum liquoribus adhuc subministrabant, inspilluntur magis ac magis partes ingurgitate, tolliturque resolutionis spes, calore gravi exsiccatæ arent fauces, sapissimæ in crustas attolluntur, aphthisque exulcerantur. Ipse etiam æger quod sibi necessarium est expostulare cernitur, stragula etenim procul rejicit si forte calorem importunum removere queat, molestiamque sibi sublevare, auram frigidiorē quā exustas recreet fauces indequaque capiat, membra hūc & illud jactat quò loca calore suo ferventia fugiat. Hæc autem omnia solo aëre humidiori frigidiore facto si non omnino tolluntur at certè plurimum levantur. Hoc etenim laxatur cutis, fibrarum remittitur rigiditas, sistuntur sudores qui ægrum solummodo debilitabant, aut si frigidiore cute arescebat corpus, refrigerato humidiorque aëre benigna excitatur transpiratio, grato sani aëris sensu reficiuntur organa respirationis, facilius ducitur spiritus, in singulis partibus servatur mollities ad functionum exercitium requisita, liberior fit liquorum circuitus, promptior morbi solutio, sicque plurimum ægroto non modo solatii affertur, ipsius anxietates demulcendæ, sed etiam auxilii morbum sublevando. Si verò in inflammationibus siccis siccior & calidior tam noxius sit aër, e contra in morbis à nimio ejus frigore & humiditate ortis multum juvat. Quando etenim à coercitâ transpiratione repulsi humor ad interiora refugit & catarrhos, corisæ, quæ vulgò dicuntur *fluxiones*, producit, quid utilius est quam aëre calido siccoque transpirationem revocare & dissipatâ hac humorum superflua quantitate quâ onerabantur partes, morbus quasi ex se ipso solvitur, redeunte fibrarum tono discutiuntur infarctus, impediturque nimius ad glandulas humorum appulsus. Hæc denique statuenda videtur regula, aëris quem spirat æger ita moderandam esse temperiem, ut morbi naturæ adversans ad ejus expugnationem conferre possit juxta illud axioma, *contraria contrariis curantur*, sed insuper affirmari potest cavendum esse ne prava quadam qualitate morbo accomodetur; tunc enim non modo non prodesset, sed multum etiam noceret, morboque vires addendo ipsius curationem necessario retardaret, forsân & impediret.

EX omnibus autem morbis in quibus aër conducere aut nocere potest, præcipuam mereri videntur attentionem febres cum eruptione, petechiales nempe, variolose, morbillose, &c. Nullæ etenim sunt aggritudines in quibus quam exitiatis sit ipsius malè moderata temperies, facilius cerni queat. Calidior ut frigidior æqualiter ferè nocet, ille vires d. bilitant. In quibus ad exteriora propelli potest humor excernendus; hic habitu corporis constricto pustularum exitum impediendo. Quorum enim agrotantes hisce morbis periire frigori intempestivo sese exponendo? Scilicet mareries jam excreta sanguini denuò immixta ad viscera delata est, quæ perniciosâ suâ labe infectit. Nec minùs malè rebus suis consulunt qui horum calamitates fugere gestiennes, stragulis vel gravissimis, ignibus & quocumque possunt modo calorem enormem excitando, in aliud malum incurrunt. Vix sunt etenim variolæ quæ feliciter excretæ prosperè succedere videbantur, ob nimium cubiculi aëris calorem derepente repressæ ad interiora cesserunt, morremque promptam attulissent nisi sparsâ per conclave aquâ moderatus fuisset aëris fervor. Hoc ab illius robore & elatere reperendum esse quis inficiari iverit? Enim vero si qui corpore & viribus valent nimis caloribus aliquando deficiunt, & in syncopes, intercepto spiritu, incidunt; quid mirum si eodem modo in hisce ægrotis, deficiente respiratione, sistatur circulatio, pustulæque motu liquorum jam non sustentatæ deprimantur. Hinc intelligitur quantum in talibus morbis ad aëris statum attendendum sit, ne nimium incalescar, nimium vè frigescat, cum ex utraque parte per imminere malum: in cæteris vero morbis ne causam illorum adaugeat. (a) Quomodo enim restitui posset læsum functionum exercitium? Quomodo tolli morbus? si dum medicus ope medicamentorum causam morbi aggrediretur illâ aëris perversa temperie perpetuo fota, suam partibus labem perpetuo inferret. Aër ipse solus morbos ferè quoscumque producere valet; inflammationes parit, febres excitat, excretiones sistit & adauget, fibras emollit & laxat, liquida attenuat & condensat, denique vix ulla est mutatio quam partes nostræ tum solidæ tum fluidæ ab ipsius actione non experiantur, ullum incommodum quod ab ipso non perpetiantur, ulla noxa quam corporibus nostris inferre non possit: quid igitur ab ipso non metuendum? Si jam factio morbo causa jam non generanda sed conservanda sit, malum non producendum sed fovendum, labes non inferenda sed enutrienda, denique partes vitio jam contractæ non afficiendæ sed lædendæ sint. Crescet magis ac magis morbus adauctâ causâ, latiusque serpente veneno periculofo lethale fiet malum, statumque agrotantis tristis antea, jam desperabitur.

Ergo in morbis curandis favet aëris agrum ambientis ritè moderata temperies.

DOMINI DOCTORES DISPUTATURI.

M. Jacobus - Franciscus
Vandermonde.

M. Franciscus - Felicitas
Cochu, Scholarum Professor
designatus.

M. Joannes-Baptista Silva,
Salubris Consilii Regi Socius,
& Serenissimi Principis Con-
dei Medicus ordinarius.

M. Jacobus-Albertus Hazon.

M. Ludovicus - Florentius
Bellot.

M. Joannes-Baptista Thomas
Marrineng.

M. Claudius-Carolus De Jean.

M. Joannes de Dieß.

M. Franciscus Pouffe.

Proponebat Parisiis ABRAHAMUS-FRANCISCUS-LEO COL DE VILARS,
Inculcimenfis, Baccalaureus Medicus, A. R. S. H. 1741, à sextâ ad meridiem,

* Vid. Syden-
ham de Variol.

(a) Vid. Lom-
m. de cu-
sanda. febris.
sect. 24, ubi va-
rius aëris quali-
tates temperan-
das esse conten-
dit.